

Cyngor Cymuned Llandwrog

POLISI DIOGELU

DATA

Chwefror 2019

1. Cyflwyniad

Yn ei waith, bydd y Cyngor yn creu, casglu, storio a phrosesu llawer iawn o wybodaeth bersonol am aelodau'r cyhoedd, staff, cwsmeriaid, defnyddwyr gwasanaeth ac eraill.

O'r herwydd, mae angen glynu at ddeddfwriaeth diogelu data, sef Y Rheoliad Diogelu Data Cyffredinol (GDPR) a Deddf Diogelu Data 2018.

2. Diben

Diben y polisi hwn yw egluro cyfrifoldebau'r Cyngor a'i staff i gydymffurfio'n llawn â deddfwriaeth diogelu data.

3. Sgôp

Mae pob aelod staff ag aelodau etholedig yn gyfrifol am gydymffurfio â'r ddeddfwriaeth a glynu at y polisi a'r egwyddorion fel y nodwyd isod.

Gallai unrhyw achos bwriadol o dorri'r polisi arwain at gamau disgyblu neu hyd yn oed at erlyniad troseddol.

4. Data Personol a Sensitif

Data personol yw gwybodaeth am unigolyn byw y gellir ei adnabod neu mae modd ei adnabod.

Mae gwybodaeth sensitif yn cael ei gyfrif fel data 'categori arbennig' (Atodiad 1) ac mae'n rhaid cymryd gofal penodol wrth ddefnyddio'r data hwn.

Dyma wybodaeth am:

Hil, ethnigrwydd, iechyd, credoau gwleidyddol, undebau llafur, data biometreg neu geneteg, crefydd, bywyd rhywiol neu rywioldeb.

5. Egwyddorion

Mewn termau syml, mae gofyn i'r Cyngor lynu at egwyddorion diogelu data.

Yn ôl Erthygl 5 y GDPR:

- a) Rhaid prosesu gwybodaeth yn gyfreithlon, yn deg ac yn dryloyw
- b) Rhaid ei gasglu am ddiben penodol a pheidio a'i ddefnyddio i bwrpas sy'n anghydnaws
- c) Rhaid i data personol bod yn ddigonol, perthnasol a'i gyfyngu
- d) Rhaid i data fod yn gywir ac wedi ei ddiweddarau
- e) Rhaid peidio a'i gadw'n hwy nag sydd angen

f) Rhaid ei brosesu mewn ffordd sy'n diogelu'r data gan gymryd camau priodol

6. Sail gyfreithiol ar gyfer Prosesu

Er mwyn defnyddio gwybodaeth bersonol, rhaid i'r Cyngor gael sail gyfreithiol. Yn ogystal, mae prosesu gwybodaeth sensitif yn gofyn am amodau prosesu ychwanegol.

Mae'r rhain wedi'u nodi yn Atodiad 1.

Bydd y Cyngor yn cofnodi'r sail gyfreithiol i brosesu ar gyfer ei weithgareddau ac yn hysbysu unigolion drwy hysbysiadau preifatrwydd.

7. Caniatâd

Dim ond un o'r amodau ar gyfer prosesu yw'r caniatâd. Gan bod y Cyngor yn awdurdod cyhoeddus, mae'n annhebygol y bydd y caniatâd yn addas fel sail gyfreithiol i brosesu ac felly, ble bynnag y bo modd, dylid defnyddio cyfiawnhad amgen (e.e. awdurdod neu gytundeb swyddogol).

Pan fo caniatâd yn cael ei ddefnyddio, rhaid iddo gael ei roi yn rhydd, ac mae'n rhaid iddo fod yn benodol, yn wybodus ac yn ddiawms. Nid yw dweud dim na blychau wedi'u ticio'n barod yn gyfystyr â chaniatâd.

8. Datganiadau Preifatrwydd

Er mwyn cadw at yr egwyddor gyntaf o fod yn deg ac yn dryloyw, mae gofyn i'r Cyngor ddarparu hysbysiad preifatrwydd i unigolion i adael iddynt wybod beth mae'n ei wneud gyda'u gwybodaeth bersonol.

9. Cadw Gwybodaeth

Ni ddylid cadw gwybodaeth bersonol yn hirach nag sydd angen. Os nad oes ei hangen mwyach, rhaid ei dinistrio'n ddiogel neu ei dileu (os yw ar ffurf electronig)

10. Cofnod o'r Gweithgareddau Prosesu

Bydd y Cyngor yn nodi pam fod y wybodaeth personol yn cael ei brosesu, manylion y wybodaeth honno, ble mae'r data'n cael ei gadw, gyda pwy mae'r data'n cael ei rannu, beth yw'r sail gyfreithiol a mesurau diogelwch i ddiogelu'r wybodaeth.

11. Hawliau Unigol

Hawliau Mynediad

Gall unigolion wneud cais i weld unrhyw wybodaeth mae'r Cyngor yn ei dal amdanynt, gan gynnwys copïau o e-byst ac unrhyw farn a fynegir amdanynt.

Mae tâl o £10 yn ddyledus ac mae angen i'r unigolyn ysgrifennu at y Rheolwr Gweinyddol a Chyllid :

E-bost: gwybodaeth@llandwrog.org

Cyfeiriad: Bryn Meurig, Carmel, Caernarfon, Gwynedd LL54 7DS

ac anfon siec yr un pryd a'i gwneud yn daladwy i **'Cyngor Cymued Llandwrog'**.

Bydd y Cyngor yn ymateb i geisiadau o'r fath am wybodaeth bersonol yn unol â'i brosesau ymdrin â data. Fel rheol byddwn yn ymateb i'ch cais yn llawn o fewn 40 diwrnod ar ôl i ni dderbyn eich tâl.

Os ydych chi'n siomedig gyda'r ymateb i'ch ymholiad, gallwch ofyn i'r Cyngor adolygu y penderfyniad a'r gweithred, ond lle na ellir datrys unrhyw anghydfod gallwch: cysylltwch â'r Comisiynydd Gwybodaeth sy'n rheoleiddiwr annibynnol y Ddeddf.

Er mwyn cydymffurfio â'r gofyniad i drin y Gymraeg a'r Saesneg yn gyfartal, bydd y Cyngor yn darparu crynodeb Saesneg o ddeunyddiau Cymraeg ond bydd yn gofyn i'r ymgeisydd drefnu cyfieithiad llawn ar ei liwt ei hun.

Hawl i ddileu, cyfyngu ar brosesu, i gywiro, cludadwyedd ac i wrthwynebu

Mae gan unigolion yr hawliau a nodir uchod hefyd. Gweler Atodiad 2 am fanylion.

Hawliau mewn perthynas a phenderfyniadau awtomataidd a

phroffilio Gweler y wybodaeth yn Atodiad 2

12. Rhannu Data

Os yw gwybodaeth yn cael ei rannu tu allan i'r Cyngor, rhaid cael sail gyfreithiol dros y rhannu a dylai bod yr unigolyn wedi cael gwybod pwy yw'r trydydd parti drwy ddatganiad preifatrwydd.

Datgelu gwybodaeth i gynghorwyr

Gwneir penderfyniadau ynghylch hawliau cynghorwyr i wybodaeth bersonol ar sail "angen gwybod" ac mewn unrhyw achos pan fo amheuaeth, dylid cyfeirio hyn at y Swyddog Monitro Cyngor Gwynedd.

Ceisiadau gan Gyrrff Allanol

Gall sefydliadau allanol ofyn i'r Cyngor ddatgelu gwybodaeth bersonol mae'r Ddeddf Diogelu Data yn darparu eithriad i sefydliadau sy'n prosesu gwybodaeth bersonol er dibenion canfod ac atal trosedd neu gasglu trethi neu ardollau.

Cytundebau prosesu data

Os oes perthynas fasnachol sy'n golygu fod trydydd parti'n prosesu data personol ar ran y Cyngor ac yn gweithredu fel 'prosesydd data', rhaid cael contract ysgrifenedig sydd yn cynnwys yr amodau sy'n cael eu gosod allan yn y GDPR.

13. Diogelu Data trwy Ddylunio

O dan y GDPR a'r Ddeddf Diogelu Data, mae dyletswydd ar y Cyngor i ystyried yr effaith ar breifatrwydd data yn ystod pob gweithgaredd prosesu data.

Asesiadau Effaith Diogelu Data

Wrth ystyried gweithgareddau newydd sy'n prosesu gwybodaeth bersonol neu wrth sefydlu gweithdrefnau neu systemau newydd sy'n cynnwys data personol, rhaid ystyried yr effaith ar breifatrwydd ar y cychwyn. Dylid cynnal Asesiad Effaith Diogelu Data.

Pwrpas yr asesiad ydi adnabod unrhyw risgiau i breifatrwydd a gwybodaeth bersonol ar gychwyn gweithgaredd neu brosiect.

Bydd y Cyngor yn cynnal Asesiadau o'r fath pan fo gofyn arno i wneud hynny. Mae templed ar gael ar y fewnwyd.

14. Diogelwch Data

Mae pob defnyddiwr yn gyfrifol am sicrhau bod gwybodaeth bersonol bob amser yn cael ei diogelu ac nad yw'n cael ei datgelu i drydydd parti anawdurdodedig yn ddamweiniol, trwy esgeulustod neu'n fwriadol.

Digwyddiadau Diogelwch Data

Mae digwyddiad data yn golygu sefyllfaoedd lle mae data wedi ei golli, ei ddinistrio neu ei niweidio'n ddamweiniol.

Rhaid adrodd i'r Cyngor am unrhyw ddigwyddiad arwyddocaol pan fo gwybodaeth bersonol yn cael ei datgelu (boed hynny'n fwriadol neu'n anfwriadol)

Bydd y Cyngor yn penderfynu os yw'r achos yn ddigon difrifol, ac os ydyw, mae'n rhaid adrodd i Swyddfa'r Comisiynydd Gwybodaeth cyn gynted ag y bo modd a dim hwyrach na o 72 awr o ddod yn ymwybodol ohono.

15. Cyfrifoldebau

Aelodau staff ac aelodau etholedig

Mae gan bob aelod staff ac aelodau etholedig y Cyngor gyfrifoldeb i sicrhau eu bod yn cadw at yr egwyddorion ac amodau eraill y ddeddfwriaeth. Mae cymal yn swydd ddisgrifiad a Cytundeb Cyflogaeth y Rheolwr Gweinyddol a Chyllid yn datgan y cyfrifoldeb yma'n glir, ac mae cymal cyffelyb yn datganiad derbyn swydd pob aelod etholedig.

16. Cwynion

Os bydd cwyn yn cael ei dderbyn gan y cyhoedd ynghylch defnydd y Cyngor o wybodaeth bersonol, dylai'r Rheolwr Gweinyddol a Cyllid ymdrin â'r mater.

Yn yr un modd, dylid tynnu sylw'r Rheolwr Gweinyddol a Cyllid at unrhyw enghraifft o fethu â chydymffurfio â'r Ddeddf neu'r canllawiau.

17. Diffyg cydymffurfio

Mae gofyn i bob aelod staff ac aelod etholedig gydymffurfio â'r polisi ac fe allai unrhyw achos o ddatgelu gwybodaeth heb awdurdod neu torri telerau'r polisi arwain at gamau disgyblu.

Gallai'r Cyngor gael ei ddirwyo am ddiffyg cydymffurfio.

18. Pwyntiau cyswllt a gwybodaeth bellach

Mae manylion pellach ar gael ar wefan y Comisiynydd Gwybodaeth - www.ico.org.uk

19. Adolygu

Caiff y polisi hwn ei adolygu yn ôl y gofyn.

Atodiad 1

Rhaid cael cyfiawnhad am brosesu unrhyw ddata personol. Rhaid bodloni un o'r amodau a ganlyn:

1. Mae'r unigolyn wedi rhoi caniatâd
2. Mae'n rhaid prosesu oherwydd contract
3. Mae'n angenrheidiol prosesu oherwydd gofyn cyfreithiol
4. Rhaid prosesu i warchod buddiannau hanfodol person
5. Mae'n angenrheidiol er mwyn cyflawni tasg sydd er budd y cyhoedd neu mae'n rhan o awdurdod swyddogol y sefydliad
6. Mae'n angenrheidiol oherwydd buddion cyfreithlon y sefydliad neu drydydd parti

O ran data personol sensitif, rhaid bodloni un o'r amodau a ganlyn **yn ogystal**:

(a) Mae'r unigolyn wedi rhoi caniatâd

(b) mae'r prosesu'n angenrheidiol er dibenion yn y maes cyflogaeth a nawdd cymdeithasol a chyfraith gwarchod cyhoeddus

(c) mae'r prosesu'n hanfodol i warchod buddion hanfodol

(d) mae'r prosesu'n cael ei wneud gan sefydliad, cymdeithas neu unrhyw gorff nid-er-elw arall

(e) mae'r prosesu'n ymwneud â data personol sy'n cael ei wneud yn gyhoeddus gan yr unigolyn;

(f) mae'r prosesu'n angenrheidiol i sefydlu, defnyddio neu amddiffyn hawliadau cyfreithiol

(g) mae'r prosesu'n angenrheidiol am resymau o fudd cyhoeddus sylweddol

(h) mae'r prosesu'n angenrheidiol er dibenion meddyginiaeth ataliol neu alwedigaethol, ar gyfer asesu capasiti gweithio'r gweithiwr, diagnosis meddygol, darparu iechyd neu ofal cymdeithasol neu driniaeth neu reoli systemau a gwasanaethau iechyd a gofal cymdeithasol

(i) mae'r prosesu'n angenrheidiol yn y maes iechyd cyhoeddus, megis gwarchod

(j) mae'r prosesu'n angenrheidiol er dibenion archifo er budd y cyhoedd, dibenion ymchwil gwyddonol neu hanesyddol mesurau addas a phenodol i ddiogelu hawliau a buddion sylfaenol pwnc y data.

Atodiad 2

Yr Hawl i Wrthwynebu

Mae gan unigolion hawl i wrthwynebu i:

- Brosesu'n seiliedig ar fudd cyfreithlon neu berfformio tasg er budd y cyhoedd/defnyddio awdurdod swyddogol (gan gynnwys proffilio);
- Marchnata uniongyrchol (gan gynnwys proffilio); a
- Phrosesu er dibenion ymchwil gwyddonol/hanesyddol ac ystadegau.

Bydd y Cyngor yn rhoi'r gorau i brosesu'r data personol dan sylw oni bai

- Y gall ddangos seiliau cyfreithlon cadarn dros y prosesu, sy'n gorbwysu buddion, hawliau a rhyddid pwnc y data; neu
- mae'r prosesu'n digwydd er mwyn sefydlu, gweithredu neu amddiffyn hawliadau cyfreithiol.

Yr hawl i ddileu

Mae hwn yn rhoi hawl i unigolion i gael eu data personol wedi'i ddileu ac i atal prosesu mewn amgylchiadau penodol:

- Pan nad oes angen y data personol mwyach mewn perthynas â'r diben y cafodd ei gasglu/prosesu yn wreiddiol.
- Pan fo'r unigolyn yn tynnu ei ganiatâd yn ôl
- Pan fo'r unigolyn yn gwrthwynebu'r prosesu ac nad oes budd cyfreithlon gorbwysol er mwyn parhau â'r prosesu.
- Cafodd y data personol ei brosesu'n anghyfreithlon (h.y. yn torri'r GDPR fel arall).
- Rhaid dileu'r data personol er mwyn cydymffurfio â goblygiad cyfreithiol.
- Mae'r data personol yn cael ei brosesu mewn perthynas â'r cynnig o wasanaethau gwybodaeth ar-lein i blentyn.

Gall y Cyngor wrthod cydymffurfio â chais i ddileu pan fo'r data personol yn cael ei brosesu am y rhesymau a ganlyn:

- I weithredu'r hawl i ryddid mynegiant a gwybodaeth
- I gydymffurfio â goblygiad cyfreithiol i berfformio tasg er budd y cyhoedd neu ddefnyddio awdurdod swyddogol
- Er dibenion iechyd cyhoeddus er budd y cyhoedd
- Archifo dibenion er budd y cyhoedd, ymchwil gwyddonol, ymchwil hanesyddol neu ddibenion ystadegol, neu
- Defnyddio neu amddiffyn hawliadau cyfreithiol.

Yr hawl i gyfyngu ar y prosesu

Pan fo'r prosesu wedi'i gyfyngu, gall y Cyngor storio gwybodaeth bersonol ond ni all brosesu'r wybodaeth.

Pan fo unigolyn wedi herio cywirdeb ei ddata, dylid cyfyngu ar y prosesu hyd nes bo'r cywirdeb wedi'i gadarnhau.

- Pan fo pwnc y data wedi gwrthwynebu'r prosesu (ble roedd gwneud hynny'n angenrheidiol er mwyn perfformio tasg er budd y cyhoedd neu ddiben gyda budd cyfreithlon), a bod ystyriaeth yn cael ei rhoi i p'un a ydyw sail gyfreithlon y Cyngor yn gorbwyso seiliau pwnc y data.
- Pan fo'r prosesu yn anghyfreithlon a bod yr unigolyn yn erbyn dileu'r data ac yn gofyn am gyfyngiad yn lle hynny.
- Os nad oes angen cadw'r wybodaeth mwyach ond mae pwnc y data angen y data i sefydlu, defnyddio neu amddiffyn hawliad cyfreithiol.

Yr hawl i gywiro

Mae gan unigolion hawl i gael eu data personol wedi'i gywiro os ydyw'n anghywir neu'n anghyflawn.

Bydd gan y Cyngor un mis (y gellir ei ymestyn i ddau fis os yw'r cywiriad yn gymhleth), i ymateb i gais o'r fath ac, os penderfynir na fydd camau'n cael eu cymryd, bydd yr unigolyn yn cael eglurhad ynghylch pam ac yn cael gwybod am ei hawl i gwyno i Swyddfa'r Comisiynydd Gwybodaeth ac i unioniad barnwrol.

Bydd y Cyngor yn rhoi gwybod i unrhyw drydydd partion ynghylch y cywiriad ble bo modd a bydd hefyd yn rhoi gwybod i'r unigolyn ynghylch pa drydydd partion y mae'r data wedi'i ddatgelu iddynt, ble bo modd.

Hawliau mewn perthynas â gwneud penderfyniadau a proffilio awtomataidd

Proffilio yw'r cam o brosesu data i werthuso, dadansoddi neu ragweld ymddygiad. Mae gwneud penderfyniadau awtomataidd yn cynnwys gwneud penderfyniadau heb gyswllt gan unrhyw fodau dynol.

Mae rheolau ychwanegol os yw'r Cyngor yn gwneud penderfyniadau awtomataidd sy'n cael effeithiau cyfreithiol ar yr unigolyn.

Bydd y Cyngor yn dogfennu'r sail gyfreithiol am yr uchod ac yn hysbysu unigolion pan fo proffilio neu wneud penderfyniadau awtomataidd yn cael ei wneud.

Yr hawl i gludadwyedd

Gall yr unigolyn wneud cais i'r wybodaeth gael ei ddarparu mewn diwyg strwythuredig, a ddefnyddir yn gyffredin ac sy'n ddarllenadwy i beiriant er mwyn cael ei anfon i sefydliad arall. Dim ond mewn amgylchiadau penodol mae'r hawl hwn yn berthnasol.